

九天應元雷聲普化天尊玉樞寶經集註上

海 瓊 白 真人 注

祖 天師 張 真 君 解 義

五 雷 使 者 張 天 君 釋

純 陽 子 佑 帝 君 讚

註曰九者陽數也乃天道也主於震宮故東南有九炁之說也即雷師出入之地也天者至大至聖無極無為之炁也應者無物不承天命而生也元者至大也又曰萬善之長也乃四時之首也五行之先也雷者乃天令也掌生生殺殺之權動靜人莫可測萬神之奉行也聲者生也萬物得雷震聲而萌也又曰天不言以雷代言也普者上天下地四維八荒無形有形也化者天道陰陽運行則為化又自無而有自有而無則為化萬物生息則為化老子云我無為而民自化又云以德化是也天尊者至大至貴之稱也說者讚揚也聞教也解隱釋奧也玉者天地日月之精華陰陽水火之結秀也潤而溫寶而貴萬載之不可

朽滅也樞者機也軸也乃生殺之始由也寶者珍重也經者徑也乃修真入道之要路也

義曰斯經以玉樞而名者乃天地之消息陰陽之動靜也元數乃乾元用九之說而

普化天尊居其上為三界之尊十方之靈明矣

釋曰天尊發願廣大化及羣生其德不可量而機不可測也故以雷聲代化玉樞為衡則善善惡惡殺殺生皆聽於九炁之

真王所以三界萬靈十方諸天莫不皆贊我天尊之元化也

讚曰祖炁氤氳滿太虛九天元是九天居驅雷役雨飛金象活物生人備玉樞三界有情同得道十方無路不通車大哉普化

明元始日月齊光信不誣

爾時九天應元雷聲普化天尊

註曰九天者乃統三十六天之總司也始因東南九炁而生正出雷門所以掌三十六雷之令受諸司府院之印生善殺惡不

順人情蓋以九天之名者取其陽剛而不泯者之謂也應元者仰惟元始祖劫一炁分真玉清真王應元之體雷者陰陽二炁結而成雷既有雷霆遠分部隸九天雷祖因之以剖析為五屬神霄真王用之以宰

御三界真王所居神霄玉府其道在乎巽巽者天中之地也東南乃九陽之炁結清朗元始父祖化神霄玉清真王玉府在碧霄梵炁之中去雷城二千三百里雷城高八十一丈左有玉樞五雷使院右有玉

府五雷使院天有四方四隅分為九霄惟此一霄居於梵炁之中在心曰神故曰神霄乃真王按治之所天尊臨蒞之都卿師使相列職分司主天之災福持物之權衡掌物掌人司生司殺檢押管鑰生成

上自天皇下自地帝非雷霆無以行其令大而生死小而枯榮非雷霆無以主其政雷霆政令其所隸焉三清上聖雷霆祖也十極至尊雷霆本也昊天玉皇上帝號令雷霆也后土皇地祇節制雷霆也此極紫

微大帝掌握五雷也五雷者天雷地雷水雷龍雷社令雷又有十雷一曰玉樞雷二曰神霄雷三曰大洞雷四曰仙都雷五曰北極雷六曰太乙雷七曰紫府雷八曰玉晨雷九曰太霄雷十曰太極雷又有三十六雷一曰玉樞雷二曰玉府雷三曰玉柱雷四曰上清大洞雷五曰火輪雷六曰灌斗雷七曰風火雷八曰飛捷雷九曰北極雷十曰紫微瓊樞雷十一曰神霄雷十二曰仙都雷十三曰太乙轟天雷十四曰紫府雷十五曰鐵甲雷十六曰那陽雷十七曰欽大雷十八社令蠻雷十九曰地祇鳴雷二十曰三界雷二十一曰斬孽雷二十二曰大威雷二十三曰六波雷二十四曰青草雷二十五曰八卦雷二十六曰混元鷹犬雷二十七曰彌命風雷二十八曰火雲雷二十九曰禹步大統攝雷三十曰太極雷三十一曰劔火雷三十二曰內鑑雷三十三曰外鑑雷三十四曰神府天樞雷三十五曰大梵斗樞雷三十六曰玉晨雷

有三十六神靈嘗陳之於太上之前雷法有七十二階天地賞善罰惡發生萬物皆雷也雖陰陽之激剝亦由神人之興動雷鳴則雨降矣聲者天地之仁聲也春分五日雷乃發聲可聞百里震九天而動九地驚四海而離四溟太上曰吾不發陰陽之聲吾之大音無以召故鼓之以雷霆以聲召氣也雷帝之前有雷鼓三十六面凡行雷之時雷帝親擊本部雷鼓一下即時雷公雷神與發雷聲也善化天尊者自浮黎元始天尊生九子玉清真王化生雷聲善化天尊天尊以歷劫應化隨時示號本元始祖劫一炁分真乃玉清真王九霄主宰一月四辰監觀萬天浮遊三界九州萬國賞善錄愆是為善化至大至貴也

雷大矣哉故三界十方天聖地真各有司焉惟九天玉清真王總治其令也聲乃炁之用炁乃聲之令明是辯非震萌起蕪非雷之令何能生也善化天尊者天即我我即天發願廣大化形十方凡諸衆生能皈心向道我當以身身之非天尊善化而何釋曰是時九炁成形結為九天在三十六天之上十方三界之祖炁也所以用九之故其炁元本乎三清之體而用乎九天之名宜矣應元者天陽地陰理之然也蓋我天尊生乎陽而居於天其健而剛也所以萬物生乎地莫不皆聽命於天尊使物物各得其宜世人不知其故而本元皆出乎天尊之餘炁也天尊欲人人皆為天尊者何故惜其炁而應其本元之妙道也雷者類也是以出萬類而起羣品也孰不知雷乃陰陽二炁之激剝却有所司誠惡誅邪驅風役雨者何耶凡俗無知豈識元始生殺之機玉清真王之妙用也聲者令也聽也天無聲則雷霆不行地無聲則草木不

萌人無聲則清濁難明所以聲為一身之本乃陰陽之元炁也天無私日月無明天有德人物俱生是故我天尊代天行道德施三界使清者為聖濁者為賢凡諸有情有形者俾躋仙阼共成一炁

讚曰九天九天玄之又玄忽爾我後修焉我前劫九二炁雖分陰與陽玉清高處化真王上天下地能相合闡教分形徧十方祐應二炁之正五行之令斬鬼誅邪天人響應訪廣宣帝德起羣生三界英靈側耳聽莫道老天無一語須知司令有雷鳴好生之德不能量闡教諸天及十方高處玉清治雷府萬神朝服禮真王祐音

在玉清天中與十方諸天帝君會於玉虛九光之殿鬱蕭彌羅之館紫極幽密之房闕太幽碧瑤之策考洞微明晨之書交頭接耳細議重玄諸多陪臣左右踞踏天尊宴坐朗誦洞章諸天帝君長吟步虛錄女仙妹散花旋繞復相引領遊戲翠宮羣仙導前先節後銜龍旂鸞輿飄飄太空並集於

### 玉梵七寶層臺

註曰在者其時也天尊遊於玉清天中與十方諸天帝君宴會於玉虛殿館紫極之房是時天尊檢觀太幽碧瑤之箱籍考洞微明晨之紀交頭接耳者蓋諸天帝君列坐有次聖聖相傳共聽微密玄玄之言彼時諸天帝君亦各有衆多家臣左右踞踏恭謹侍焉天尊安然高座朗誦洞章諸天帝君深有所悟各各起座長吟步虛讚詠天尊之教錄女仙妹散花盤繞於天尊之座復請天尊往詣翠宮之七寶層臺欲望天尊大演妙法也層臺即龍鳳之座有七級皆珍寶飾之故名七寶層臺天尊駕與白鶴師子威儀節仗引導其前青龍白虎六甲六丁侍衛左右九天仙女十二溪真陳奏仙樂諸天大帝神君神王太極真人副從鳳輦龍輿經遊翠宮仙仗即銜龍旂鸞輿飄飄太空集聚寶臺

### 崇也

釋曰是時我天尊在自居之闕闕中有九光之殿館闕房位闕法考書欲化十方天真帝君明其大道於是天真帝君被德服膺不知舞蹈天尊大悅欲遊外宮諸天尊仙左右前後仗鉞排旗引我天尊駐鸞輿於翠宮翠宮者玉清之行宮也雷師心懷奏疑無由以陳幸值我天尊登寶臺奉金光明之如意俯察萬類讚曰故把玄玄一竅開十方三界應時來瓊書細閱存元炁寶爰重宣養本胎侍女交頭心自會陪臣踞踏意能裁須臾演教天花舞鸞鳳飄飄七寶臺

時有雷師皓翁於仙衆中越班而出面天尊前頰顛作禮勃變長跪上白天尊言天尊大慈天尊大聖為羣生父為萬靈師今者諸天咸此良親適見天尊閱寶爰考瓊書於中秘蹟不可縷計唯有玉霄一府所統三十六天內院中司東西華臺玄館妙闕四府六院及諸有司各分曹局所以總司五雷天臨三界

者也天尊至皇心親庶政此等小兆以何因緣得以趨服願告欲聞

註曰雷師皓翁乃帝臣元老師重臣也玉霄府即高上神霄天中玉清真王府居三十六天之上天中有五殿東曰藥珠西

曰碧玉北曰青華南曰凝神中曰長生又有太一內院可韓中司東西二臺四曹四

局外有大梵紫微之闕仙都大雷之館皆有玉府左玄右玄金闕侍中僕射上相真仙真伯卿監侍宸仙郎玉郎玉童玉女左

右司魔諸部雷神官君將吏上統三十六天東方八天謂高上道寂天高上陽岐天

高上洞光天高上紫冲天高上玉靈天高上清虛天高上微果天高上正心天南方八天高上道元天高上太皇天高上玄冲

天高上極真天高上梵炁天高上輔帝天高上玄宗天高上歷變天西方八天高上

左罡天高上生化天高上符臨天高上保華天高上定精天高上青華天高上景琅天高上丹精天北方八天高上安燁天高

上廣宗天高上浩帝天高上希玄天高上慶舍天高上天婁天高上變仙天高上昇玄天東北高上敬皇天東南高上移神天西南高上瓊靈天西北高上昇極天下鎮三十六壘每方有九陽梵炁以

應一年三十六炁每十日一炁上應天有一帝統治一炁天仙神鬼功過付與本天

校勳功者列名本天過者因於本天天獄凡善惡事三十六壘皇君奏上神霄玉府而糾察也每天各有龍神與雷生殺伐暴

誅邪罔不由之四府者九霄玉清府東極青玄府九天應元府洞淵玉府六院者太

一內院玉樞院五雷院斗樞院氏陽院仙都火雷院諸有司者天部靈司蓬萊都水司太一雷靈司北帝雷靈司北斗征伐司

北斗防衛司玉府雷靈九司及諸曹院于司凡世間亢陽為雲風雨不時干戈妄動

鐵鏜存臻皆請命玉府經由玉樞大布分野兼判三司將兵三界鬼神功過巨濟黎民應雷霆諸司院府並佐玉樞之令稟聽

施行至於雷霆斧鉞慶賞刑威有條不紊悉有分司或曰兼司行司巡察官司皆設曹局官僚任職是以玉霄一府總司五雷天臨三界者也

義曰天尊以瓊書瑤笈故化天真雷師默

會天尊之旨上請方便之門一時君臣體異心同無非活羣生之徑路也誦經君子

至此當以雷師之心為心其功有自歸矣釋曰時我天尊登寶臺察羣品似言不語適雷師皓翁職專雷府班越天真以己心

而識上心故白之於天尊之前我天尊德化無邊真元有自其玄書秘錄不可條請

故啓三十六天東西二臺府院諸司之政莫不皆總之於玉霄一府其雷師皓翁以此舉而發我天尊之未宣者雷師啓天尊

至大至聖心及萬品臣以微陋之材以何緣由得侍玉宸願告天尊明我前劫以贊

元化并玉霄一府之事當屏氣而恭聽之讚曰勃然長跪上啓真宗諸司院府臺闕尊崇三十六所雲雷雨風何神不備何聖

不從職專生殺事在吉凶欲聞至說必啓  
丹衷仁哉仁哉雷師皓翁

天尊言雷師皓翁爾等仙卿儲勲夙世累行  
昨生故得玉府登庸瓊宮簡錄今茲勲行視  
夙昨多爾其悉力雷司委心大部日復日歲

復歲勲崇行著性靈神融克證高真即階妙  
道惟是雷部鬼神責勞夕役動有播楚大則  
考戮層雲雕雲無有已時檄龍命鴉此息彼  
作彼所因故爾其耳馬雷師皓翁及諸天諸  
仙聳耳而默天尊所坐九鳳丹霞之床手舉  
金光明之如意琅風清微綺雲郁麗天尊寂  
然良久

註曰雷司布令行爭疾如風火不可留停  
降澤之處有方震雷之聲有數可早即早  
可雨即雨必奉帝勅其雷司所行鬼神何  
以致也蓋此等之人居塵世之上不忠不  
孝不仁不義不禮三寶不修五常不惜五  
穀所以身沒之後聽我雷司之驅役實此  
等罪報也聞天尊所說善惡因緣雷師皓  
翁及諸天諸仙聳耳悚懼天尊所坐之時

其神風琅琅然而清微彩雲鬱鬱然而華  
麗沉靜良久欲對仙衆再演玄文也  
義曰善根宜種惡業莫生天真高然累功  
積行何況後學君子可不盡心乎  
釋曰雷師皓翁與天地同體日月齊明是

以天尊言儲勲夙世有大功於初始之先  
行既累著而得精悉遂化成形故得玉府  
進用瓊宮有名矣今又掌善司惡分化濟  
人其功不少所以盡心於大部者乃雷師  
皓翁之本情也加之日積月增名高行顯  
以全元炁則性靈神融之不虛言也。以是  
能與高上真王為明證之臣遂列大道之  
階天尊以善惡兩途諭諸天真復引雷部  
鬼神畫勞夕役周而復始無有休息所言  
霄雲謂其奔走四方搏雲作陣之勞雕雲

者其冒凍乘風凝雨作花之苦也至於入  
海檄其龍走林命其鴉東作西止東伏西  
興無有息時此善惡之因故明矣天尊是  
時語雷師曰吾得權大化位上真蓋心先  
縫此道故得如是也爾等欲昇仙作讚化

玄文以吾之功為功則道自成矣爾今聽  
焉諸天帝君聞如是說皆聳耳而敬聽也  
天尊之感儀不可宣說即有神風綺雲清  
朗郁麗天尊與九炁復合為一寂然而不  
動也

讚曰善惡兩途特如影響善為天真惡為  
翹魁  
天尊言吾昔於千五百劫以先心縫此道遂  
位上真意釀此功遂權大化嘗於大羅元始  
天尊前以清淨心發廣大願願於未來世一  
切眾生天龍鬼神一稱吾名悉使超渡如所  
否者吾當以身身之爾等洗心為爾宣說

註曰心縫此道者謂如裁段布帛若不縫  
就焉能為衣且天地一點元炁散徧太虛  
六合人稟父母一點元炁在身即是祖宗  
之遺體也若修之智慧定觀清淨之心收  
聚七寶結成還丹是謂以心縫合成其大  
道而位證上真又以天地化醇之炁大道  
混合沖和之妙釀成巨功遂權大化提昇  
天地隱顯莫測天尊於大羅元始天尊前

發廣大願願一切眾生天龍鬼神一稱名者悉使超渡如所否者天尊當以身身之此足見天尊普護人天發弘誓願也義曰幸得人身不可蹉過當守是道而誦是經日就月將與道合體非小補哉

釋曰得道之難合道之不易也我天尊昔於五百劫之初心先合此道即九炁之生形也故稱曰真王遂掌大化我天尊曾向大羅元始天尊前以九天不雜之真發三界無邊之願期在未來之世但受九炁之物有能歸吾化稱吾名者皆能起死回生或不信從者我當以元始一炁化成九炁以復其初也天尊謂諸天帝君曰爾等當淨其心吾今為汝等開大道之密緒也讚曰道乃天地心愚癡不解尋破衣要縫

補須用水磨針

天尊言爾諸天人欲聞至道至道深窈不在其他爾既欲聞無聞者是無聞有見即是真道聞見亦泯惟爾而已爾尚非有何況於道不聞而聞何道可談

註曰至道者不在其他在自己也爾既欲聞若明自己之道即是不必聞也是云無聞者是無聞有見即是真道若聞他人之說自己有見即是真道聞見亦泯皆不必聞見矣若謂非有既不聞道而欲聞不可與談道矣

義曰大道無形無我無彼有無無有即是真道也有為有形道在何處入道之士當於無無處著脚

讚曰道道道道說者可笑天地我人一家一竅

天尊言道者以誠而入以默而守以柔而用用誠似愚用默似訥用柔似拙夫如是則可與忘形可與忘我可與忘忘入道者知止守道者知謹用道者知微能知微則慧先生能知謹則聖智全能知止則泰定安泰定安則聖智全聖智全則慧先生慧先生則與道為一是名真忘惟其忘而不忘忘無可忘無可忘者即是至道道在天地天地不知有情無情惟一無二

註曰道者乃三界所由之路也然入則有由守必有方其用固有理也蓋道乃天地無為之稱即人之真常也誠者端恪不移無妄之理也故惟以無妄之誠而入於真常之道然真常之道悟者自得故默識心融而後能守雍容不迫而後能用夫入不能守則非所謂入守不能用則非所謂守

故用真實者如愚而默雍和而不剛暴是亦如拙者何異焉然其為愚訥拙也特如之而已亦豈真愚訥拙哉人能入之守之用之如是者則不特可與忘物而亦可以忘我至於物我俱忘亦忘其所謂忘矣何言乎忘形我者心不之動湛然常寂無彼此之間也知者識之明者見之真之謂也入道而知止守道而知謹則固循於道而不離用道而知微則能反約而不惑於遠

大此其道體之本原在是而一心之妙用所由生也則凡所謂無所不通無所不知乃本性之所具者至此亦復全於我矣原其所自則又皆本諸知止知止而後有定

定而後能靜靜定日久聰明日全天光內  
燭心純乎道與道合真抑不知孰為道孰  
為我但覺其道即我我即道彼此相忘於  
無忘可忘之中此所謂至道也至道在乎  
天地之間而反不知其道之所在安知道  
者則凡有情之物我蠢動無情之山河草  
木豈出於至純而不雜之外耶其惟抱一  
為天下式者知此凡人修真鍊道惟守一  
而不雜則進德無魔昇舉有日也

義曰此章乃玉清真王入道守道體道之  
端緒也奉玉樞大教之志士於此再三研  
窮自有所得則玉清真王之語不虛設矣  
釋曰大道無言有言非道是故我天尊言  
前章至道深窈不可得聞也若此之論後  
人皆不被天尊之化其道有起有止無見  
無聞起止見聞皆由心造昔我天尊九炁  
生而九炁成有何見耶有何聞耶此章乃  
天尊教學道修真之士用功守成之路必  
以己誠而合天地之誠也蓋誠者一也夫  
道一而生二二生三三生萬物莫不自誠

一而來者人能用誠而入用默而守用柔  
而用然後得誠者似愚得默者似訥得柔  
者似拙誠柔為體為用愚訥拙為道為  
道如是方可與道混然忘形忘我忘忘此  
乃道之要與道之妙也人必知止守必  
要知謹用必知微知微者則九炁之光  
足矣能知謹者則萬靈之聖全矣能知止  
者則三元之神安矣神安則智必備智備  
則靈光生靈光生則本元之炁合矣故名  
之曰真忘惟其忘而不忘忘無可忘者即  
是真一之大道也

讚曰守一守一當用謹默無我無人却有  
一賊若還捉住湛然凝碧  
天尊言吾今於世何以利生為諸天人演此  
妙寶得悟之者俾躋仙階學道之士信有氣  
數夫風土不同則稟受自異故謂之氣智愚  
不同則清濁自異故謂之數數繫乎命氣繫  
乎天氣數所囿天命所格不得真道愚可以  
智濁可以清惟命伴之愚昏昏濁冥冥亦風  
土稟受之移之天地神其機使人不知則曰

自然便知其不知則亦曰自然自然之妙雖  
妙於知而所以妙則自乎不知然於道則未  
始有以愚之濁之諸天關已四眾成悅  
註曰凡人生處若土厚水深地氣多寒萬  
物皆造化之功厚故多壽也若土薄水  
淺地氣多熱萬物速成造化之功薄故多  
夭也此風土不同稟受之異也若人稟胎  
氣清者為人慈善端正忠孝智慧聰明樂  
仙慕道之人也稟氣濁者為人兇惡邪佞  
狠毒愚癡悖逆無道不仁不義之人也智  
愚不同清濁之異也氣數所囿如花木之  
開發亦各有時皆稟天地之氣天命所格  
乃天命施於桎梏不善之人長淪惡趣不  
得真道也愚者可以智慧門化之濁者可  
以清淨門化之愚者常自昏昏濁者常自  
冥冥此乃自然而然而皆風土稟受之分  
配定矣蓋天地之生殺萬物亦隨其四時  
之氣候也若智人得五行之氣陰陽之精  
修之鍊之以保固其身便與天地同久  
日月齊明愚人只知聲色滋味而不知反

自然便知其不知則亦曰自然自然之妙雖  
妙於知而所以妙則自乎不知然於道則未  
始有以愚之濁之諸天關已四眾成悅  
註曰凡人生處若土厚水深地氣多寒萬  
物皆造化之功厚故多壽也若土薄水  
淺地氣多熱萬物速成造化之功薄故多  
夭也此風土不同稟受之異也若人稟胎  
氣清者為人慈善端正忠孝智慧聰明樂  
仙慕道之人也稟氣濁者為人兇惡邪佞  
狠毒愚癡悖逆無道不仁不義之人也智  
愚不同清濁之異也氣數所囿如花木之  
開發亦各有時皆稟天地之氣天命所格  
乃天命施於桎梏不善之人長淪惡趣不  
得真道也愚者可以智慧門化之濁者可  
以清淨門化之愚者常自昏昏濁者常自  
冥冥此乃自然而然而皆風土稟受之分  
配定矣蓋天地之生殺萬物亦隨其四時  
之氣候也若智人得五行之氣陰陽之精  
修之鍊之以保固其身便與天地同久  
日月齊明愚人只知聲色滋味而不知反

以害其命也是以學道之人當默而思之  
義曰天之生物皆得二氣之威形清氣多  
而賢淑濁氣重而姦惡豈非風土之不齊  
稟受之自異者也

釋曰夫風土之不齊實氣數之所繫也是

故我天尊舉此一章列大道之後者何也  
蓋世人失於調養肆意輕生孰不知輕清  
之氣為天重濁之氣為地凡為人身得天  
氣成精成津成液得地氣成骨成肉成筋  
者也既稟二氣而生何故有修短賢愚之

分耶豈非風土之厚薄陰陽之偏塞耶蓋  
天之命如格氣之數如圍言人人不可逃  
天命而越氣數惟我學道之士能崇此經  
則出於天命而拔氣數之外也我天尊說  
是言畢兩班御師使相諸天帝君雷師皓

翁踊躍讚歎至於天龍鬼神亦皆不知手  
舞足蹈之悅也

讚曰風土所宜亦由氣血水各有源人皆  
有劫輕清遠玄重濁不白道本無二此心  
似月

天尊言吾今所說即是玉樞寶經若未來世  
有諸衆生得聞吾名但冥心默想作是念言  
九天應元雷聲普化天尊或一聲或五七聲  
或千百聲吾即化形十方運心三界使稱名  
者咸得如意十方三界諸天諸地日月星辰

山河草木飛走蠢動若有知若無知天龍鬼  
神聞諸衆生一稱吾名如有不順者敲首剝  
心化為微塵

註曰夫玉樞者即玉清之氣也玉為至尊  
至貴故元始天尊稱玉清昊天上帝稱玉

皇太上道君稱玉晨太上老君稱高上玉  
帝也三清之都號玉京神霄真王稱玉清  
王者寶中之尊貴也樞者天之樞紐也雷  
霆者天地之樞機天樞地機樞陰樞陽天  
本陽曰樞者乃顛倒之理也雖曰天陽地

陰蓋天一生水也北斗貪狼星號樞星貪  
狼配天元乃七政之首也如樞密院亦朝

綱之樞機也總國之機密政務掌殺伐之  
目也玉樞之經乃天府之雷文也知有不  
順之人當剝心斬首皆在雷司之主令也

義曰天尊以好生之心為心化形十方不  
使一物不被其澤也如有毀謗之者雷司  
敲首剝心宜矣

釋曰此章天尊發廣大之願明矣天尊念  
念生生無文可明故垂玉樞之靈文以化

衆生其或衆生得化成真之後一稱我天  
尊之號蒙天尊之符至於世間山河草木  
飛走蠢動但稟二氣之物即當悚爾而聽  
毋敢少逆如不順者雷司不容則碎為微  
塵也

讚曰天尊天尊發願廣大毀謗玄文雷司  
有害

天尊言吾是九天貞明大聖每月初六及旬  
中辛日監觀萬天浮遊三界若或有人欲學  
道欲希仙欲道九玄欲釋三災當命正一道

士或自同親友於樓觀於家庭於里社齋水  
鑽花課誦此經或一過三五過乃至數千百  
過即得神清氣爽心廣體胖凡所希求悉應  
其感

註曰天尊號貞明大聖夫貞者貞觀其天



地負勝其吉凶而乃天地變化聖人效之  
吉凶垂象聖人則之夫易乾元亨利貞  
者四時為冬四方為此亦屬此天一生  
水玉清之祖氣也天尊每月初六及辛日  
下降初六者六陽降而生乾六陰勝而生  
坤消息升降周流六虛以為道極聖功生  
焉神明出焉蓋天地生數一成數六天地  
得之潤澤濟世六辛者天之水數天數當  
先號六辛辛數乾天也天一生水皆先天  
一氣之義萬天者自大羅清微禹餘大赤  
玉境之天周徧諸天無不監觀其天人功  
過至于三界無不浮遊察錄其萬靈功過  
也若人誦此經者凡所希求悉應其感  
義曰天尊言有情無情有知無知咸得成  
真以宣大化自見其功德不可稱量也叩  
之必應奉道之人可不勉哉

下愚忽起誠心誦此經使之心廣體胖  
或有孝子順孫齋心游慮建壇場請誦  
此經即得超昇所以釋三災遣九玄皆得  
如願無不感應  
讚曰誠不用物以氣相鍊一稱專號天地  
回春  
天尊言身中九靈何不名之一曰天生二曰  
無英三曰玄珠四曰正中五曰子丹六曰回  
回七曰丹元八曰太淵九曰靈童名之則吉  
身中三精何不呼之一曰台光二曰真靈三  
曰幽精呼之則慶五心煩懣六脉捨攘四肢  
失寧百節告急宜誦此經  
註曰九靈者人身中之本神也天生者玄  
北也無英者嬰兒也玄珠者谷神也正中  
者泥丸夫人子丹者靈臺神也回春者貴  
券神也丹元者心神也太淵者腎宮列女  
水府神也靈童者主制五臟神也台光者  
男女構精胎始榮典靈者魂也幽精者  
魄也凡為人既知身中有此神靈何不時  
時呼召鍊成一家則學道希仙無諸障礙

也若五心煩懣六脉捨攘誦此經則身中  
諸神咸得以寧則使人安逸也  
義曰三精九靈非外物也住我本家慎勿  
放出當令常侍左右朝真禮聖則易見而  
易得也乃天尊恐人不知大道所在故以  
此指之也  
釋曰天有九曜人有九靈天有三台人有  
三魂天之九曜失度三台遷位則水旱陰  
晦人之九靈失守三魂妄行則災害生矣  
如有此三者至心誦經焚符則三魂安九  
靈息五心靜六脉和四肢泰百節無恙也  
讚曰九靈九靈是我之精時時呼召永保  
長生  
天尊言若或有人五行奇蹇九曜嶽嶽年逢  
刑衝運值剋戰孤辰寡宿羊刃劔鋒劫煞亡  
神鬼門鈎絞緣遭破敗馬落空亡動用凶危  
行藏坎墮即誦此經上請天官解天厄地官  
解地厄水官解水厄五帝解五方厄四聖解  
四時厄南辰解本命厄北斗解一切厄  
註曰凡人五行不通九曜失度又值刑衝

及諸神熱動用行藏皆不順利大則天譴地責喪身隕命皆由三官五帝四聖二斗以主之歸命此經誦咒焚香告符則一切厄難皆能解釋

義曰三界之中為人最靈不知向上一步致使星辰戰剋行止輒軻急宜歸奉真文則三元五帝以消其罪也此章天尊令人知忌避而欲豫之

釋曰此言人之五行不利九曜作撓是也所以諸多神殺皆聽我天尊之勅如或有人遭此禍患誦此經則天尊命本人之家

司命六神上請天官解天厄地官解地厄水官解水厄五帝解五方厄四聖解四時厄南辰解本命厄北斗解一切厄蓋緣此三官五帝四聖南辰北斗亦乃天尊之有司也故云六六上請者欲人知天尊之所司之廣設也

讚曰地網天羅不可逃凶星臨併若為消誠心誦取天尊號玉篆金符急急燒天尊言沉痾伏枕痲疾身積時弗瘳求醫

同效五神無主四大不收或是五帝三官之前泰山五道之前日月星辰之前山林草木之前靈壇古跡之前城隍社廟之前里巷井竈之前寺觀塔樓之前或地府三十六獄冥官七十二司有諸冤枉致此牽纏或盟詛咒

捨之所招或債塚負債之所致三世結業異劫與仇埒其欲尤厚其執對皆當首謝即誦此經

註曰沉痾痲疾伏枕林蔭醫禱無效蓋三官五帝泰山岱嶽日月星辰城隍社廟里巷井竈靈壇古跡寺觀塔樓五道諸司地府冥官至於山川草木皆有神祇故誤冒

犯或夙有冤牽及財致命或被人咒詛或自設捨違盟累劫以來與仇結業皆當悔過發露罪尤請誦經咒焚此篆符而悉得消愈也

義曰此章專言人之積病及禁忌相刑當稱天尊之號則禍去而福來何必疑也釋曰凡人病深沉痾痲疾弗瘳世藥無功陰神作撓或自咒或他詛或積塚或私愆

則冥府欲問究由欲追執對何以赦免即誦寶經焚靈符即時安逸也

讚曰陰譴陽罪沉痾是報禁忌犯之經符是禱

天尊言天官符地官符年月日時各有官符六六方陽向背各有官符大則官符小則口舌是有赤口白舌之神以主之凡諸動作與舉出入起居不知避忌如遇官符口舌則使人擊

聒曉夜煎燭多招唇吻面是背非動致口牙盟神詛佛始於誇讒終於詆詆由是獄訟生焉刑憲存焉若欲脫之即誦此經遂得口舌

潛消官符永息

註曰此章天尊言諸官符赤口白舌之神者乃天省下之惡曜也蓋因世人不修正道不畏公法瀆雷震兩故遣此神以撓之若人犯者急誦此經焚諸符篆即得應時消滅矣

義曰人之行藏各有可否但自不能識其機而違其理也如或犯之此經能免也

釋曰天尊發願廣大施化無方此章專言

諸官符者蓋此神易犯難釋以致庶人一或干之則赤口白舌乘勢而生也而世人何不預誦寶經焚玉篆則此禍自滅矣  
讚曰天符地符人不可觸欲釋訟凶經篆三告

卷六

二十五

九天應元雷聲普化天尊玉樞寶經集註上

九天應元雷聲普化天尊玉樞寶經集註下

海瓊白真人註  
祖天師張真君解義  
五雷使者張天君釋  
純陽孚佑帝君頌

天尊者土皇九壘其司千二百神王侯土伯土公土母土子土孫土家眷屬若太歲若將軍若鶴神若太白若九良若劍鋒若雌雄若金神若火血若身黃若撞命若三煞若七煞若黃幡豹尾若飛廉刀砧如是等王家神煞若人與修卜筮一或犯之即致病患以迄喪亡纔誦此經則萬神皆起天無忌地無忌陰陽無忌百無禁忌  
註曰凡人動作興工不無有犯神煞其禍立至大則喪命小則官非可不慎歟依儀書篆行持誦經祈禱則百無所忌也  
義曰天尊惜羣生至於如斯也亦云生亦土而死亦土殊不知土之為害大尤甚也蓋土宜靜不宜動之謂也  
釋曰天覆其地人孰不知蓋我天尊為九

天之專統制三界而九聖皇君眷屬家臣諸多惡煞害人不輕天尊用玉文寶篆以鎮禳之使世間上士下愚凡動作之時百無禁忌也  
讚曰萬物皆從成已來偶然相犯即為災

若非普化真文力處處皆為白骨堆

天尊言世人夫婦其於婚合或犯咸池或犯天狗三刑六害隔角交加孤陰寡陽天羅地網艱於嗣息多是孤獨若欲求男即誦此經當有九天監生大神招神攝風遂生賢子於其生產之時太一在門司命在庭或有冤愆或有鬼魅或有禁忌或有凶厄致令難產請誦此經即得九天衛房聖母與托送故能臨盆有慶坐草無虞凡有嬰孩在於襁褓為稱檀神王座下一十五種鬼加諸惱害因多驚瀾宜誦此經

註曰世人婚合產育皆有神煞不知方向不避太歲偶爾犯之其禍不淺急宜誦經焚符以禳之則自安榮也  
義曰凶吉兩途互相齒之如或不諧不育